

Na osnovu člana 8. stav (2) Zakona o radu u institucijama Bosne i Hercegovine („Službeni glasnik BiH”, br. 26/04, 7/05, 48/05, 60/10, 32/13 i 93/17), člana 6. Pravilnika o radu (broj: 01-02-2-4540/09 od 18.12.2009. godine) i Odluke o potrebi prijema broj: 02-04-34-2-2180/19 od 22. 8. 2019. godine, Ministarstvo komunikacija i prometa Bosne i Hercegovine raspisuje

JAVNI OGLAS

za prijem zaposlenika u Ministarstvu komunikacija i prometa Bosne i Hercegovine

NAZIV I SJEDIŠTE POSLODAVCA: *Ministarstvo komunikacija i prometa Bosne i Hercegovine, Trg BiH br. 3, 71000 Sarajevo.*

NAZIV RADNOG MJESTA: *Referent za vođenje protokola i administrativno tehničke poslove.*

ORGANIZACIONA JEDINICA: *Sektor za pravne i finansijske poslove; Odsjek za personalne i opće poslove.*

OPĆI I POSEBNI USLOVI ZA PRIJEM U RADNI ODNOS: Radni odnos može zasnovati kandidat koji ispunjeva sljedeće opće i posebne uslove za prijem u radni odnos:

Opći uslovi propisani članom 10. Zakona o radu u institucijama Bosne i Hercegovine („Službeni glasnik BiH”, br. 26/04, 7/05, 48/05, 60/10, 32/13 i 93/17):

- a) da ima navršenih 18 godina života,
- b) da je državljanin Bosne i Hercegovine,
- c) da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem,
- d) da nije obuhvaćen članom IX stav 1. Ustava BiH,
- e) da je fizički i psihički sposoban za obavljanje poslova radnog mjesta na koje se prijavljuje kod poslodavca.

Posebni uslovi propisani članom 46. Pravilnika o unutrašnjoj organizaciji Ministarstva komunikacija i prometa Bosne i Hercegovine (broj: 01-052-435/03 od 26.06.2003. godine, 01-02-3-3010/07 od 30.08.2007. godine, 01-04-02-3-1810-3/10 od 14.09.2010. godine, 02-04-023-3321-6/15 od 07.03.2016. godine i 01-04-02-3-3385/16 od 02.12.2016. godine):

- a) srednja stručna sprema društvenog smjera (V/IV stepen),
- b) najmanje šest mjeseci radnog iskustva u struci,
- c) stručni ispit.

Probni rad nije uslov za zasnivanje radnog odnosa.

OPIS POSLOVA I ZADATAKA RADNOG MJESTA: *Obavlja poslove prijema, otpreme, zavođenja i arhiviranja pošte, u skladu sa pravilima kancelarijskog poslovanja; vrši administrativne i daktilografske poslove za potrebe svih organizacionih jedinica; obavlja i druge poslove po nalogu šefa Odsjeka.*

RADNI ODNOS SE ZASNIVA NA NEODREĐNO VRIJEME

STATUS: zaposlenik

BROJ IZVRŠILACA: jedan (1)

ROK ZA PODNOŠENJE PRIJAVA: Prijave na oglas sa svom potrebnom dokumentacijom potrebno je dostaviti **najkasnije u roku osam dana od dana objave ovog oglasa u dnevnim novinama odnosno do 13.9.2019. godine.**

NAČIN PODNOŠENJA PRIJAVE: Prijave se **podnose** isključivo putem pošte preporučeno na adresu:

Ministarstvo komunikacija i prometa Bosne i Hercegovine

“Javni oglas za prijem zaposlenika u Ministarstvu komunikacija i prometa Bosne i Hercegovine „

(za Komisiju za izbor zaposlenika)

Trg BiH broj 3, 71 000 Sarajevo

POTREBNA DOKUMENTACIJA

- 1) Potpisana prijava na javni oglas koja treba sadržavati kratku biografiju i osobne podatke (uz obavezne podatke za kontakt),
- 2) Svjedočanstvo/diploma o stečenoj stručnoj spremi traženoj ovim javnim oglasom (nostrificirana diploma ako škola nije završena u BiH ili je stečena u nekoj drugoj državi nakon 6. 4. 1992. godine). Napomena: ne dostavljati diplomu višeg stepena školske spreme od one koja se traži,
- 3) Uvjerenje o državljanstvu ne starije od šest (6) mjeseci,
- 4) Uvjerenje da se protiv kandidata ne vodi krivični postupak ne starije od tri (3) mjeseca,
- 5) Potvrde ili uvjerenja kao dokaz o traženom radnom iskustvu u struci,
- 6) Izjava podnosioca prijave da nije obuhvaćen članom IX. stav (1) Ustava BiH ovjerena kod nadležnog organa,
- 7) Uvjerenje o položenom stručnom upravnom ispitu (nije obavezno, dostavlja se samo ukoliko kandidat isto posjeduje).

NAPOMENE ZA SVE KANDIDATE::

Dokumenti se dostavljaju kao originali ili ovjerene fotokopije.

Nepotpune, neblagovremene i neuredne prijave, kao i prijave kandidata koji ne ispunjavaju uslove oglasa, neće se uzimati u razmatranje.

Odluku o izboru kandidata po ovom raspisanom javnom oglasu donosi ministar komunikacija i prometa Bosne i Hercegovine, na osnovu prijedloga komisije za izbor

koja će razmotriti sve pristigle prijave i utvrditi redosljed kandidata u skladu sa uslovima javnog oglasa i pokazanim znanjem kandidata.

Kandidat koji bude izabran, dužan je prije potpisivanja ugovora o radu donijeti uvjerenje da je fizički i psihički sposoban za obavljanje poslova radnog mjesta koje se oglašava (ljekarsko uvjerenje).

Ukoliko kandidat koji bude primljen nema položen stručni upravni ispit dužan je isti položiti u roku od šest (6) mjeseci od dana zasnivanja radnog odnosa.

ZAMJENIK MINISTRA

Saša Dalipagić

Broj: _____
Sarajevo, _____ 2019. godine